

Khang biang ka Iran ia ka Hormuz, kynnoh ia ka US ba pynkheĩn ia ka jingiateh ban plie biang ia ka



Ki jhad ha ka lynti duriaw Hormuz.

Tehran, Iaiiong :Ka Iran ka la kylla ktien ban plie biang ia ka khap duriaw Hormuz bad khang biang ia kane ka lynti duriaw ba kongsan shisngi hadien ba u President Donald Trump ka United States u la ong ba un bteng ia ka jingkhang dam pura lyngba ki shipai duriaw ia baroh ki kad lieng jong ka Iran.

Ka Tnad shipai ka Iran ha u kyrwoh ka ong ba ka Washington ka la pynkheĩn ia ka jingkhang da kaba bteng ban khang pyrshah lyngba ki

kaba la pynsangeh noh ia ka thma jong ka Israel bad ka Hezbollah.

Hynrei, ha ka step phyrngab jong ka sngi Saitjiaĩn ba la lah ka tnad telebishon ka sorkar Iran ka la ong ba ki shipai Iran ki la pyrkhing biang ia ka lynti duriaw Hormuz lyngba ki bor shipai da kaba kynnoh ia ka jingkhang dam kaba dang iaid shakhmat jong ka US ia ki kad lieng jong ka Iran.

Kane ka jingpynbna ka lwa wan long hadien ba u Donald Trump u la ong ba wat hapdeng ka rai jong ka Iran ban plie biang ia kane ka lynti duriaw ha ka sngi Thohdieng ba la lah hynrei ka jingkhang dam jong ka US kan neh pura tad haduh ba ka Tehran kan poi sha ka jingiateh kular bad ka Washington, kata kynthup halor ka prokram nukliar jong ka.

Ka khap duriaw Hormuz

ka dei ka dei ka lynti iaid ba kongsan kaba kit haduh shi bynta na ka san bynta jong ka umphniang ha ka pyrthei. Ka jingkhang dam kaba haduh ar bnai hapdeng ka thma Iran ka la ktah ia ka dor jong ka umphniang bad ka jingpynbiang ha kiba bun ki ri ka pyrthei.

Ha kajuh ka por ka Iran ka la plie biang shi bynta ia ka jaka suiĩn jong ka ha ka sngi Saitjiaĩn ba la lah na ka bynta ki liengsuiĩn jong ki ri ka pyrthei kiba iaid lyngba ia ka bynta thain mihngi jong ka ri.

Ka thma kaba la sdang na ka jingthombor jong ka US bad ka Israel ha ka 28 tarik Rymphang ka la pyniap ia kumba 3,000ngut ki brierw ha Iran, palat 2,290 ngut ha Lebanon, 23ngut ha Israel bad palat phew ngut ha ki ri Gulf Arab. Nalor kine 13 ngut ki shipai US ruh ki la shah pyniap.

Haduh 47 ngut ki kynthei bad ki khynnah kynthei ki shah pyniap man ka sngi ha ka thma Gaza :UN

Geneva, Iaiiong :Ha ka jingkhieĩn kyllum ym duna ia ka 47 ngut ki kynthei bad ki khynnah kynthei ki shah pyniap man ka sngi ha ka por jong ka thma ha Gaza, kane ka long katkum ki jingkhieĩn ba la pynmih da ka U.N. Women, ha ka sngi Thohdieng ba lah, bad ka tnad ka maham ba ki jingiap ki la bteng haduh hynriew bnai hadien ka jingsangeh iasiat kaba synjor.

Palat 38,000 ngut ki kynthei bad ki khynnah kynthei ki la shah pyniap ha Gaza hapdeng u bnai Risaw 2023 bad u bnai Nohprah 2025, kane ka long katkum ka kaiphod jong ka U.N.

“Ka jingiap jong ki kynthei bad ki khynnah kynthei ka kham bun shuh shuh ia kito kiba la sakhi ha ki jingiakynad ba hashwa ha Gaza,” ong ka Sofia Calltorp ka heh jong ka tnad sha ki nongthoh khubor ha Geneva. “Ki dei ki brierw shimet kiba don ka jingim bad kiba don ia ki jingphohsniw,” ka la bynrap.

Ka tnad ka la pynpaw ka jingsngewkhia ba ki jingpyniap pyrshah ia ki kynthei bad ki khynnah



Kiba haĩng hasem kiba dang iam kthang na ka bynta kiba shah pyniap.

kynthei ka la bteng naduh ka jingsangeh iasiat ha u bnai Risaw ba la dep.

Watra ka jingsangeh iasiat ka treikam hadien ka thma ba pura kaba la meh ar snem kynthih, hynrei ka la iehnoh ia ki shipai Israel ha ka jingsynshar ia ka jaka kiba thylli namar ka jingphet krad jong ki nongshong shong kaba long palat shiting na ka Gaza, ha kaba ka Hamas ka don ha ka bor ha ki jaka ba dang sah

kaba kham rit ha ki jaka rud duriaw.

Palat 750 ngut ki nong Palestine ki la shah pyniap naduh katei ka por ba la pynjari ia ka jingsangeh iasiat, kata katkum ka jingiateh jong ki doktor ha kate ka thain, katka ki lehnoh ki la pyniap ia saw ngut ki shipai Israel. Ka Israel bad ka Hamas ki la kynnoh markyl liang halor ka jingpynkheĩn ia ka jingsangeh iasiat.

Ka tnad ka UN kaba khmih

na ka bynta ka bha ka miat jong ki khynnah ka UNICEF ka la ong ha ka sngi Thohdieng ba la lah ba ki khynnah ki dang iai bteng ban shah pyniap bad shah pynmynsaw ha ka rukom kaba shyrkheĩ ha Gaza, ha kaba haduh kumba 214 ngut la iathuh ba ki la iap tang ha kine ki hynriew bnai ba la dep.

Kumba shi million ngut ki kynthei bad ki khynnah kynthei ki shah pynkylla sakma ha Gaza, ong ka U.N. Women.

Pyniap ka jingthombor ka Israel ia 11 ngut ki brierw kynthup ar ki khynnah ha ki bynta ka Gaza



Ka kali kaba la julor phom na ka jingthombor ha Gaza.

Gaza, Iaiiong :Ki shipai Israel ki la pyniap ym duna ia ka 11 ngut ki nong Palestine, kynthup arngut ki khynnah rit na ki jingthombor ba kyrpang ha kylleng ka Gaza Strip kaba la shah pynjulor ha ka thma, kaba dei ruh ka jingpynkheĩn ba dang shen eh jong ka Israel ia ka jingsangeh iasiat bad ka Hamas kaba la sdang treikam naduh ka 10 tarik u Risaw jong u snem ba la dep.

Ki bor pyniaid ka Civil Defence ha Gaza bad ka tnad pathai khubor ki la iathuh ba uwei u khynnah ba dang lai snem bad uwei pat uba dang 14 snem ka rta ki dei napdeng

kiba la iap na ki jingthombor jong ka Israel ha ka bynta ba shatei jong ka thain kiba la jia ha ka sngi ba Ar ba la lah.

U Mahmoud Basal u nongaiktien jong ka Gaza Civil Defence, u la ong ba saw ngut ki brierw ki la iap, kynthup ia u khynnah ba dang lai snem ka rta na ka jingthombor kaba thmu pyrshah ia ka kali puli ha ka nongbah Gaza.

Ka tnad kam pohiing jong ka Gaza ka la ong ha ka jingpynbna ba ki liengsuiĩn thma jong ka Israel ki la ther pyrshah ia kawe ka kali pulit hapdeng ka nongbah kaba la pynlong ia kiba bun ki brierw

ba kin duh ei la ka jingim bad ngat ha ki jingmyn saw, ha kaba uwei u pulit u dei napdeng kito kiba la iap.

U Bassal u la iathuh ruh ba sa uwei pat u brierw u la iap na ka jingther bom ka Israel ha ka thain Beit Lahiya ba shatei jong ka thain kham hashwa ha katei ka sngi.

Ha ka janniet jong ka sngi ba Ar ba la lah ka Civil Defence ka la iathuh ba kawe pat ka jingthombor jong ka Israel ka la pyniap ia ki katto katne ngut ki brierw hajan kawe ka lynti surok kaba don hajan ka jaka sah jong ki phetwir ha Shati ha ka nongbah Gaza.

Ki dkhot ka tnad aijing sumar ha Al-Shifa Hospital hadien ki la pynthikna ba ki la ioh pdiang phra tylli ki metiap na ka jingthombor ka Israel lyngba u drone kaba kynthup ia ar tylli ki namding kiba la leit dei ia ka kynhun jong ki brierw ha ka ktem phetwir ha Shati.

Ka lad pathai khubor ka iathuh ba katei ka jingshah

thombor ka la jia hajan kawe ka cafe bad ryngkat bad kiba la iap kane ka la wanrah ruh ka jingmynsaw ia ki katto katne ngut ki brierw, ong ka khubor ki heh ka tnad ka koit ka khiah.

Wat hapdeng ka jingsangeh iasiat hapdeng ka Israel bad ka Hamas kaba la sdang ha u bnai Risaw u snem ba la dep bad kaba la pynslem ar snem ia ka thma pyniap jaidbynriew jong ka Israel ha Gaza, ki shipai Israel ki dang iai bteng ban pynlong ia ki jingthombor ba man ka sngi ha katei ka thain, ha kaba la pyniap ia jan 760 ngut ki nong Palestine naduh ba la mynjur ia ka jingiateh iasiat.

Ka tnad ka koit ka khiah ka Gaza ka la ong ha ka sngi ba Ar ba la lah ba sa 2,111 ngut ki nong Palestine ki la mynsaw na ki jingshah thombor ha ka Israel naduh ba la pynbna ia ka jingsangeh iasiat, katba baroh ki don 72,336 ngut ki brierw kiba la shah pyniap ha ki shipai Israel naduh ba sdang ka thma jong ka Israel ha katei ka thain ha ka 7 tarik u Risaw 2023.

Hapdeng ka thma Iran, pynsangeh ka Italy ia ka jingiateh kam iada ri bad ka Israel

Rome, Iaiiong :Ka Italy ka la pynsangeh noh ia ka jingiateh kular jong ka ha ka kam iada ri bad ka Israel, kaba kynthup ia ka jingiakylliang ia ki tiar iapom bad ka jingwad bniah halor ka teknoloji, ong ka Myntri Rangbahduh ka Ri Giorgia Meloni bad ki tyllong khubor na ki tnad sorkar hynne ka sngi ba Ar.

“Namar ka jinglong jingman kaba mynta, ka sorkar ka la rai ban pynsangeh noh ia ka jingpynthymmai ia ka jingiateh kular iada ri bad ka Israel,” ong ka Meloni shabar ka jingialang ha Verona, ong ki tnad pathai khubor.

Ka tyllong khubor na ki heh sorkar ka Italy ka la pynthikna sha ka lad pathai khubor ba la pynsangeh noh ia katei ka jingiateh, da kaba ong; “Kan jin da la long kaba eh ha ka saiĩn hima sima ban pynneh ia ka.”

La mynjur da ka Israel ha u snem 2006, ia kane ka jingiateh la ju bishar bniah man la ka san snem. Kane ka jingiateh ka khot ia ka jingiatreilang ha kylleng ki karkhana iada ri, ka jinghikai bad ki shipai, ka jingwad bniah bad jingpymroi bad ka jingtip nalor kiwei kiwei.

Ka jingiakynad hapdeng kine ki ar tylli ki ri, ka la nangkiew ha kine ki taiew ba

la dep hadien ba ka sorkar Italy ka la kynnoh ba ki shipai jong ka Israel ki la siat kum ka jingmaham ia ka kynhun jong ki shipai jong ka UN na Italy, ha Lebanon.

Kane ka jinglong jingman

ka la wan long ruh hadien ba kiba bun ki ri ki la pynpaw pyrshah ia ki jingthombor jong ka Israel kiba dang iai bteng hapoh Gaza.



Iap 8 ngut na ka jinghap ka liengsuiĩn helicopter ha ka dewlynnong Borneo ka Indonesia



Jakarta, Iaiiong : Kawe ka liengsuiĩn helicopter kaba her hapdeng ki jaka rep ha ka

dewlynnong Borneo ka la hap khyndew noh bad pyniap ia baroh 8 ngut kiba don hapoh jong ka, ong ki heh

sorkar ka Indonesia hynne ka sngi Thohdieng. Kane ka liengsuiĩn Airbus

H130 kaba dei trai da ka PT Matthew Air Nusantara ka la duh noh ia ki lad aijingtip ha ka sngi Palei ba la lah hadien san minit ba ka la kiew na Melawi district jong ka Jylla West Kalimantan. Ka la don ha lynti ban leit sha kawe pat ka jaka ep ha Kubu Raya district.

Hadien kane ka jingjia ki kynhun aijingiarap ki la lap ia ki metiap jong ki arngut ki dkhot ka liengsuin bad hynriew ngut ki nongleit

nongwan ha ka jaka khlaw ba rben ha Sekadaw district, ong ka khubor na ka National Search and Rescue Agency bad ka Transportation Ministry.

Uwei na kiba la shah pyniap u dei u nong Malaysia. Ka Indonesia, kaba dei ka ri kaba bun ki dewlynnong bad kaba don haduh kumba 270 million ngut ki brierw ka la ju sakhi khah khah ia kiba kum kine ki jingjia.

Siat iap u Lat barim ka Virginia ia la ka kurim bad ialade hapdeng ka mukotduma iakhlad sanshyieng



U Justin Fairfax bad ka kurim jong u.

Washington, Iaiiong :U Lat barim ka Virginia, u Justin Fairfax, uba dei u khlur ba dang kiew ha ka seng Democratic Party tad hadien ba ki jingkyknoh kam leh beijot pyrshah ia u ki la pynsniew ia ka kabu jong u

ha ka kam saiĩn pyrthei u la pyniap ia la ka jong ka kurim kaba ula iakhlad bad hadien sa ia la de.

Ki ophisar kiba la poi sha katei ka iing kaba don ha Annandale ha Washington DC ha ka step jong ka sngi Palei

ba la lah ki la lap ia ki metiap jong u Fairfax, 47 bad ka kurim jong u ka Dr Cerina Fairfax, 49 snem rta, ong u heh pulit.

U Justin Fairfax, u la siat iap ia la ka kurim kaba dei ka doktor bniat ha ka mala kaba shapoh jong ka iing hashuwa ba un leit sha kawe ka kamra thiah kaba shalor bad pyniap ialade, ong u heh pulit uba la bynrap ba dei u khun jong ki uba la phone sha ki pulit.

Uwei na ki paralok ba la slem bha jong u Justin Fairfax u la iathuh sha ka tnad pathai khubor ba u la nangduh jingkyrmen shuh shuh hadien ba ka kurim jong u ka la mudui ban iakhlad sanshyieng noh ha u snem ba la dep. U

nongbishar uba peit ia kane ka case dang shen u la thoh ba “ka jinglong marwei jong u, ka jingdih kyiad, bad ka jingbym iashim bynta ha ka jingim ha ka iing ka sem ki long ki jingpynpaw jong kaei kaba i kumba ka long ka jingsngew duh jingkyrmen”.

Tang hapoh shiphepw snem mynshwa, ka kam saiĩn pyrthei jong u Justin Fairfax ka la nang kiew sted. U la jop ia ka jingiakhun ban long u Lat ba Rangbah ha u snem 2017 bad u la long kumba u la khreh ban long u Lat u ba ar na ki dohiong jong ka Virginia hadien ar snem haba u Lat ka Democratic Ralph Northam u la mad ia ki jingdawa ban hiar shuki noh namar ka dur kynthoh jaidbynriew. U Fairfax un jin da la long Lat lada u Northam u la hiar shuki.

Hynrei arngut ki kynthei ki la mih shakhmat ban kynnoh ia u Fairfax halor ka jingdonkti ha kaba leh beijot ia ki snem ba la dep.

U Fairfax, u la ong ba ki jingiakynduh kiba la jia shwa ba un iathoh shongkurim ki dei kiba la mynjur lang bad u la kyntait ia ki jingkhoh ban hiar shuki. U la pyrshang ban iakhun ia ka kam Lat ha u snem 2021 hynrei la kyntait ia u da ki Democrats jong ka Virginia bad u la shah rem ha ka pemocratic primary.

Ha ka hukum jong ka 30 tarik u Lber ba la dep u nongbishar u la ong ia u Justin Fairfax ban mih noh ha kaba kut jong u bnai Iaiiong da kaba thoh “ka paw shai ba ki jingeh ha ka iing jong u Fairfax ki la long kiba jur bha bad kaba la neh slem slem.”

**GOVERNMENT OF MEGHALAYA
DIRECTORATE OF MINERAL RESOURCES
SHILLONG**

No.DMR/E/1002/2026/170 Dated Shillong, the 8th April, 2026

**PUBLIC NOTICE
COMMISSION OF INQUIRY**

Whereas the Government of Meghalaya, in exercise of the powers conferred by Section 3 of the Commissions of Inquiry Act, 1952, has constituted a Commission of Inquiry vide Notification No. POL.18/2026/7 dated 14th February, 2026 under the Chairmanship of Hon'ble (Retd.) Justice R. S. Chauhan to inquire into the facts and circumstances relating to the coal mining event that occurred at Thangsko in East Jaintia Hills District, Meghalaya;

And whereas the said Commission has been entrusted with the mandate to examine and ascertain the facts, circumstances and causes relating to the said event and all matters incidental or connected therewith;

Now, therefore, in pursuance of the aforesaid mandate, the Commission hereby invites and calls upon all persons, officials, organisations, institutions and other stakeholders who may have knowledge of, or information relating to, the said event to submit before the Commission any statement, document, record or other material evidence relevant to the inquiry.

The inquiry shall, inter alia, be confined to the following Terms of Reference:

- To inquire into the circumstances leading to the incident dated 05.02.2026 in the coal mine(s) located at Mynsgat-Thangsko Village, Khliehriat, East Jaintia Hills District, Meghalaya;
- To submit a comprehensive fact-finding report on the acts and/or omissions of the persons and/or authorities concerned, including any failure to prevent the occurrence of the incident on 05.02.2026;
- To examine the root causes of illegal coal mining in the State of Meghalaya, including but not limited to the working conditions of labourers and miners whose livelihoods depend on coal mining;
- To recommend remedial measures, including administrative and institutional reforms, to be adopted by the Government of Meghalaya to prevent the recurrence of such incidents in the future;
- To suggest appropriate measures, including financial package(s) or rehabilitation scheme(s), for persons whose livelihood depended on coal mining prior to it was banned by Hon'ble National Green Tribunal in Original Application No 7/2014 vide order dated 17.02.2014;
- To suggest as to whether the Government of Meghalaya ought to approach Her Excellency the President of India for any relaxation / modification / exception in application of the provisions of the Mines and Mineral Development Act, 1957 or any other applicable law passed by the Parliament under Para 12(A)(b) of the Sixth Schedule of the Constitution in view of the traditional practices of mining prevalent in the State of Meghalaya,
- To examine the nexus between the demand for and supply of Illegally mined coal in the State of Meghalaya and the role of such persons, or authority, non-state groups including Non-Governmental Organisations (NGOs) and to recommend measures for strengthening institutional mechanisms, fixing accountability and preventing recurrence.

All persons desirous of submitting information or evidence may do so by furnishing a written statement supported by relevant documents, records or other material evidence.

Such statements and documents may be submitted to:

Record Section
Commission of Inquiry
Directorate of Mineral Resources
Shillong, Meghalaya
from the 10th of April onwards, during official working hours.

For inquiry, please contact: +91 90771 55194, +91 7085959848

Any person or party wishing to place material before the Commission may do so either in person or through an authorised representative or legal counsel. The Commission may also, where it deems fit, require any person to appear before it for the purpose of tendering oral evidence or producing documents or other material relevant to the inquiry. Statements may, where appropriate, be submitted by way of affidavit.

All submissions, documents, evidence and representations tendered before the Commission shall be limited to and strictly in accordance with the above Terms of Reference.

This Public Notice is issued in the interest of ensuring a fair, impartial and comprehensive inquiry into the said event.

**Date: 8/4/26
Place: Shillong**

Sd/-
(Shri M.B. Tongper, MCS)
Secretary to the Commission
Commission of Inquiry

MIPR No. 0143, Dt. 16/04/2026